

# REGIONAL NEWS BULLETIN

## HEADLINES (EVENING)

Date – 14/05/2024

Time - 18:30 Hrs

1. Vawiina MBSE-in Matric result a tihchhuahah exam zawng zawng zinga zaa 73.37 an pass.
2. School Education Minister Dr Vanlalhlana chuan kumin HSLC Exam-a zirlai pass awm lohna sorkar sikul-ah te hma lak a nih tur thu a sawi.
3. Lok Sabha inthlan thawhsarihna chuh tumte tana nomination thehluh hun chu vawiin khan a tawp a. June ni 1 ah vote thlak a ni ang.
4. Senior BJP leader leh Prime Minister Narendra Modia chuan vawiin khan Varanasi Lok Sabha biala ding turin nomination a thehlut.

<><><>

### MBSE

High School Leaving Certificate (HSLC) result vawiina Mizoram Board of School Education-in vawiina a tihchhuahah exam zawng zawng zinga zaa 73.37 an pass.

HSLC result chhuakah khan nikum aiin zirlai pass an thahnem zawk a. Nikum khan zirlai HSLC Exam hmachhawn zingah zaa 71.14 an pass a ni.

HSLC exam result chhuakah hian pakhatna chu Lalmoipua Lawmzual chu 1-na a ni a, pahnihna chu Vanlalmuanpuii, St. Paul's Higher Scondary School niin pathumna chu H. Lalsangpuia, St. Joseph Higher Secondary School a ni a, a titha zual 10 ah mi 14 an lang a ni.

Kuminah hian exam beitu hi zirlai 18,561 niin zirlai 13,618 in an pass-a. HSLC pass thar te hi Distinction-a pass mi 1,332, I Division-a pass mi 3,801, II Division-a pass mi 5,564 leh III Division-a pass 2,921 an ni a, II Division-a pass an tam ber a, I Division-a pass in an dawt a ni. HSLC pass thar te hi hmeichhia 7181 niin mipa 6437 an ni a. Kumin HSLC exam-ah hian zirlai 4,837 in hlawhtlinna an chang thei ta lo a, compartmental chance pek zirlai 106 an awm bawk a ni.

Result tihchhuah a nih veleh MBSE Chairman Pu JH Zoremthanga chuan MBSE pisaah chanchinbumite kawmin tluang taka an ruahman anga result an tichhuak thei chu High School zirtirtute inpekna leh thahnemngaihna vang te, Educational department pumpui tanrualna avang leh MBSE thawktute thawhrimna rah bakah an thawhpui department hrang hrangte inpekna vang a ni a ti a. Kumina compartment 106 awm te chu admission an tlai loh nan exam buatsaih thuai a nih tur thu a sawi a, MBSE syllabus chu CBSE syllabus nena a in an tlan thu leh exam ruahman dan chungchangah erawh hmasawna tur a la awm avangin Board-in ke a pen zel thu a sawi.

Pu JH Zoremthanga chuan kumin exam-ah zawhna har zawng tehnaa a zangkhai deuh, LOTS zawhna zaa 60 leh a bak zawng zaa 40 chu tlema har deuh Application leh HOTS atanga siam a nih thu a sawi a, zirnain hma a sawn zel nan HOTS zawhna chu telh tam deuh deuh tura ruahman a nih thu a sawi a ni.

Kumin Matric Exam-a pakhatna dinhmun hauhtu, Lalmoipua Lawmzual chuan a sikul luhna St. Pauls Higher Secondary School-a a luh tirh atangin an zirtirtu ten an puihbawm that thu leh an chungaw lawmthu a sawi tak meuh meuh thu a sawi.

Zirlai pawl pahnih MZP leh MSU te chuan zirlai hlawhtling te an lawmpui thu thuchhuah siamin an sawi a, MSU chuan HSLC result chhuakah zirlai fail vek school School 18 an awm chhan lian ber zingah zirtirtu indaih lohna a nih laiin School thenkhatah chuan zirtirtu inthlahdah vang a ni tih an zirchian thu an sawi a, MSU chuan Mizoram sawrkar chu zirtirtu indaih lohna avanga zirlai fail awmna School leh zirtirtu inthlahdahte pawh chhui chhuak a, dan anga hma la turin a phû tih an sawi a ni.



## **EDUCATION MINISTER**

School Education Minister Dr Vanlalhlana chuan kumin HSLC Exam-a zirlai pass awm lohna sorkar sikul-ah te hma lak a nih tur thu a sawi.

He thu hi vawiina a pisa a Chanchinbu mite nena inkawm hona an neihah sawiin, Education Minister chuan zirlai pass awm lohna sorkar sikul te chu Directorate of School Education lamin a chhan chiang taka an zawh tur thu leh chuta tanga hmalak a nih tur thu a sawi a, zirtirtu indaih lohna sorkar sikulah pawh a theih ang ang a zirtirtu sem rual an tum thu a sawi bawk.

Chanchinbu mite zawhna chhangin Minister chuan sorkar sikul chu a mamawh apiangte sikul a nih angin, zirlai naupang sorkar sikul a lut duhte entrance exam hmanga thlan an nih ve loh avanga zirlai a thiam thiam lak an nih thin loh thu a sawi a, chu chuan kawng eng emaw chenah result pawh a pawh fual thin thu a sawi bawk.

Dr. Vanlalhlana chuan session tharah pawl 9 leh pawl 10-ah te ‘intodelh” inzirtir an tum thu a sawi a, vocational education lamah pawh nasa lehzuala ke an pen tur thu sawiin ZPM Manifesto a tel, UPSC Grooming lam hawi zawnga hma an lak tan tak tak tur thu leh zirlai pawl sawm pass-tawhte chu he UPSC Grooming hmanga pawl 11 atanga an chher tan tur thu a sawi a, Mizoram Education Service chungchang pawh sawiin Mizoram Education Reforms Committee kutah a awm mek thu a sawi.

Education Minister chuan Matric exam pass ta zirlaite chu a lawmpui thu leh hlawhtling ta lo te pawh beidawng mai lova, exam lo awm leh tur atana an theihtawp chhuah chhunzawm zel tura a duh thu a sawi bawk.



## **LADC**

Lai Autonomous District Council ah United Legislature Party hruaitu, South Lungpher bialtu MDC, Congress Member Pu C. Lalmuanthanga chu LADC Chief Executive Member atan Lawngtlai DC Pu Cheemal Siva Gopal Reddy an vawiin khan rinawmna thu tiamtirin a lalut.

Laklulh inkhawm LADC Hall-a neihah hian CEM thar Pu C.Lalmuanthanga chuan a kaihhruai Sorkar a piantheih nan a hmalatute chungah lawmthu sawiin, Governor leh Chief Minister hmalakna chu fakawm a tih thu a sawi a, LADC ah huapzo, mipui sorkar kalpui a tum thu a sawi bawk a, langtlang taka Sorkar kalpui chu a tul tih thu sawiin, LADC Budget ringawt chu inngahna tham a nihloh vangin hmasawmna huamzauzawk dapchhuak tura tanlak a tul tih sawiin, helam hawi hi ngaihpaawimawh zingah a telh tur thu a sawi.

CEM thar chuan Lai mipuite, Kohran leh Tlawmngaipawl te, Chanchinbumite chu ram hruaina ah a tulna apiangah thurawn pe a, khalngil a ngaih pawha neitu chanchang turin a sawm a ni.

CEM thar hian Deputy Leader atan Lungtian bialtu MDC, Pu Sanghuliana a ruat thu a puang a, a thawhpuitur Executive Member dangte pawh a tihfel thuai a rinawm. Puantawh thin angin LADC ah hian March 7, 2024 atangin Sorkar mumal a kaltheihloh hnu ah Congress MDC pakhat leh MNF MDC 12 ten United Legislature Party dinin, Pu C.Lalmuanthanga kaihhruaina hnuaiah LADC ah Sorkar thar a piang chho ta a ni. Chief Executive Member thar hian vawiin khan a Office luah nghalin Pathian hnen ah inhlanna hun hman a ni a, hemi hnu hian Lai District Congress Committee Office leh MNF District Hqrs Lawngtlai Office a tlawh nghal.)

<><><>

## **NEW MPSC CHAIRMAN**

Mizoram Public Service Commission Chairman thar atan, Pu R Lalramnghaka chu sorkarin a ruat. Pu R Lalramnghaka hi MCS officer a ni a, IAS ah confer a ni a, sorkar hna a thawh chungin Aizawl DC hna leh dept hrang hrang secy hna te a chelh a ni.

<><><>

## **7<sup>TH</sup> PHASE ELECTION**

Lok Sabha inthlan thawhsarihna chuh tumte tana nomination thehluh hun chu vawiin khan a tawp a. State pasarih leh Union Territory pakhata Lok Sabha seat 57 ah vote thlak a ni ang. Inthlan thawhsarihna neihna turte hi Uttar Pradesh leh Punjab ah seat 13 ve ve, West Bengal ah seat 9, Bihar ah seat 8, Odisha ah seat 6, Himachal Pradesh ah seat 4, Jharkhand ah seat 3 leh Chandigarh ah seat 1 te an an ni a. Nomination thehluhte hi naktukah endik a ni ang a. Zirtawpni thleng inhnudawh theih ani ang. Inthlan thawhsarihna hi June ni 1 ah vote thlak tur a ni.

<><><>

## **PM MODI FILES HIS NOMINATION TODAY**

Senior BJP leader leh Prime Minister Narendra Modia chuan vawiin khan Varanasi Lok Sabha biala ding turin nomination a thehlut. Varanasi bial hi inthlan thawhsarihnaah an tel dawn a.

Vawiina PM Modia nomination thehluhnaah hian an thawhpui party hruaitu Chandra Babu Naidu, Eknath Shinde, Jitan Ram Manjhi, Sanjay Nishad, Ramdas Athawale ,BJP national president JP Nadda leh party senior leader te an tel a.

Hetihlai hian Opposition tangrual I.N.D.I.A chuan Varanasi ah hian Ajay Rai an dintir dawn a. Uttar Pradesh Congress hruaitu Pu Rai-a hi Varanasi ah hian Lok Sabha inthlan 2014 leh 2019 ah te a lo ding tawh a ni.

<><><>

## **KENYA RELIEF**

Kenya tuilian tuarte chhawmdawlina turin vawiin khan Indian Air Force thlawhna hmangin damdawi, damlo enkawlina hmanrua leh mamawh dang tonne 40- a rit a thawh hnih nan vawiin khan thawnluh a ni. Chhawmdawlina bungraw thawnluhte hi puan in, blanket, power generator, malalaria leh dengue enkawlina hmanrua leh bungraw dang thahnem tak an tel a.

Tun thla ni 10 khan chhawmdawlina bungraw thawhkhatna hi Indian Navy te lawng hmangin thawnluh a lo ni tawh a. Hemi tum hian eitur, damdawi leh mamawh hrang hrang thawnluh a ni.

Kenya-ah hian ruahsur nasa avangin tui a lian nasa hle a. Tuilian avanga chhiatna thlengah mi 267 an thi tawh a, mi 188 in hliam an tuar a, mi nuai 2 sing 8 chuang hmun him lamah thiarchhuah an ni tawh bawk a ni.

<><><>